

हमको कछु भय ना रे,...

(कविवर पण्डितश्री बुधजनजी)

हमको कछु भय ना रे, जान लियो संसार ॥टेक ॥

जो निगोद में सो ही मुझमें, सो ही मोक्ष मंझार।
निश्चयभेद कछू भी नाहीं, भेद गिनै संसार ॥1 ॥

परवश हूँ आपा विसारि के, राग-द्वेष को धार।
जीवत मरत अनादि काल तैं, यौं ही हूँ उरझार ॥2 ॥

जाकरि जैसे जाहि समय में, जे होता जा द्वार।
सो बनि है टरि है कछु नाहिं, करि लीनौ निरधार ॥3 ॥

अगनि जरावै^१ पानी बोवे^२, बिछुरत-मिलत अपार।
सो पुद्गल रूपी-मैं 'बुधजन' सबको जाननहार ॥4 ॥

१. जलाती; २. गलावे

